

Mohd Amirul Kasyful Nur bin Zulkifli

From: Unit Komunikasi Korporat
Sent: 21 Februari 2017 19:45
To: UUM - All Staff; UUM - All Students; Staf - Pesara UUM
Subject: Program Pemerkasaan Belia Luar Bandar Melalui E-Perniagaan



Unit Komunikasi Korporat
CORPORATE COMMUNICATION UNIT
Universiti Utara Malaysia



21 FEBRUARI 2017 / 24 JAMADILAWAL 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Shamsaimi Ezil

PROGRAM PEMERKASAAN BELIA LUAR BANDAR MELALUI E-PERNIAGAAN



UUM ONLINE: Bagi mengatasi masalah kekurangan kemahiran belia luar bandar dan melahirkan usahawan berjaya melalui mekanisme e-perniagaan khususnya di Wilayah Pembangunan Ekonomi Koridor Utara (NCER), Pusat Penyelidikan Koridor Utara (NCRC) Universiti Utara Malaysia (UUM) menganjurkan program US Embassy Small Grants Project: "Pemeriksaan Belia Luar Bandar Melalui E-Perniagaan di Wilayah Ekonomi Koridor Utara."

Program yang mendapat penajaan dari Kedutaan Amerika Syarikat di Kuala Lumpur ini bertujuan mengenalpasti kelompok belia luar bandar yang mempunyai potensi untuk menjadi usahawan berjaya di samping melatih dan membimbing mereka mengenai amalan-amalan e-perniagaan.

Perasmian program ini telah disempurnakan Pengarah NCRC UUM, Prof Madya Dr Rohana Yusof di Dewan Seminar B, Pusat Konvensyen pagi tadi.

Beliau dalam ucapannya berkata peranan yang dimainkan Institusi Pendidikan Tinggi (IPT) dalam memperkasa belia adalah sebagai ejen pengubah yang membawa peluang baharu bagi memantapkan nilai-nilai sosioekonomi dan sosiobudaya dalam membentuk kehidupan masyarakat yang lebih harmoni dan sejahtera di kawasan luar bandar.

"Justeru usahawan belia perlu mengambil peluang yang ditawarkan UUM ini sebagai satu cabaran dan wawasan untuk terus maju ke hadapan dalam bidang perniagaan dan keusahawanan. Pendekatan pendidikan yang disusun secara teratur dan diuruskan dengan bijaksana berupaya mengubah potensi belia dalam pelbagai bidang.

"Diharap program ini dapat digunakan sebaik mungkin sebagai medan perkongsian ilmu yang dapat menghasilkan *outcome* yang memberi impak kepada kesejahteraan belia luar bandar," ujarnya.

Tambahnya peserta yang berpotensi akan disenarai pendek bagi menjalani 3 fasa latihan meliputi Seminar Keusahawanan, Latihan dan Bimbingan serta Pemantauan dan Penilaian yang dikendalikan oleh tenaga pengajar dari UUM.

Program pemeriksaan ini dihadiri kira-kira 150 peserta terdiri daripada belia berusia 18 hingga 40 tahun dari wilayah NCER yang disenaraikan oleh agensi seperti MARA, TEKUN, KEDA, Perbadanan Kemajuan Kraftangan Malaysia, Amanah Ikhtiar Malaysia, Unit Pembangunan Usahawan Kedah dan mahasiswa UUM.

Antara pengisian program sehari ini ialah Sesi Bual Bicara: "Perkongsian Pengalaman Meniti Kejayaan" yang membariskan Tuan Haji Che Mahdi Idris (Ketua Pengarah Operasi Zon Utara, Amanah Ikhtiar Malaysia), Normiza Latt (Pengasas Iris Cosmetics), Baitulhusna Ahmad Zamri (Pengasas Nazkids Ent.) dan En Mohd Rashid Samsudin (CEO Norsym Sdn Bhd.) sebagai ahli panel.

Sesi bual bicara ini dikendalikan oleh Prof Madya Dr. Norashidah Hashim. Selain itu turut diadakan sesi Perkongsian Kepakaran "Aplikasi E-Perniagaan" oleh Dr Aidi Ahmi dan "Motivasi Kejayaan" oleh Dr Nur Syakiran Akmal Ismail.

Hadir sama Timbalan Pengarah NCRC UUM, Prof. Madya Dr. Norehan Abdullah dan pegawai-pegawai UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.